




Coloro che □ risultano essere persone simpatiche sono □ anche quelle che , abitualmente, dicono ciò che pensano e pensano ciò che dicono□ . “ Ntonuzzu era persona sincera ... tentava a prevedere le giornate di sole o di pioggia...

Ntonuzzu era persona sincera e simpatica perché “ si assumeva la responsabilità “□ delle sue previsioni . Dove per tempo intendeva la condizione di buono o cattivo tempo. Leggeva , consultava e seguiva il grande□ Barbanera... Orgoglioso si acculturava leggendo Barbanera e ,

Ntonuzzu

Scritto da Administrator

Domenica 12 Novembre 2023 22:45 - Ultimo aggiornamento Lunedì 13 Novembre 2023 21:22

abitando in un crocevia strategico, già di primo mattino gli capitava di incontrare tanta di quella gente che si movimentava alla propria arte....

Lasciamo al Dott. Dastoli il ricordo de Ntonuzzu.

'Ntonuzzu

'Ntonuzzu s'azava sempe priastu,

S'assettava a lu muru avanti la porta,

era 'nu muriaddru hfattu a pposta, e, ddra sedutu,

si godìa chiddr'aria-bella-hfrisca de matina.

‘Nc’era sempe ‘nu ventariaddru hfinu-hfinu

chi mminava de Arriatu lu Strittu,

o ciarti vùati de l’atra banda,

duv’era la potihha de mastro Vincenzinu;

de ddr’avanti passava sempe tanta gente:

‘mprima matina, quandu li hfimmini jiianu all’olivi,

portavanu li cotrari, ddra a Bettuzza

o puramente a Catarnuzza la Sipendinota,

a 'nna certa ura, 'Ngilina, cu la tahharià 'ntesta,

si 'mpesava a la Lustra cu tutti li zzitiaddri,

mastru Ciciu si 'mbijiava a la potiha,

lu patre, mastru Vicianzu, allongava a la Malìa,

passava lu tìampu cu quattru pìadi de olivari,

lu zziu Michiàli si dirigìa a Ssantu Nicola,

'nc'eranu li pumadora de 'mpalare,

era sempe 'nu via-vai de cristiani 'ndaffarati.

Jiandu pè la Lustra si arrivava a lu Siminaru e

cchjiù avanti a lu vùascu de Rrudìa

duve tanti hfimmini e ccummari 'ncumpagnia

ricogghjjanu li hfraschi pe lu hfùacu e ppe lu cocipane.

'Ntonuzzu si prejiava de tuttu chiddru movimentu,

pe iddru, era 'na rande giojia vidire giànti e

scangiare dui palùari cu giùveni e rrandi,

viacchji e ffiggghjiùali, òmani e ffimmini.

A 'nna certa ura, si 'nda scindìa a la Cona,

si hfermava 'nu mùarzu a la Parisa,

si guardava 'ntùarnu-'ntùarnu, cùamu preoccupatu,

azava l'ùacchji, osservava lu cialu,

A 'nna certa ura, si 'nda scindìa a la Cona,

Scrutava l'orizzonte, de 'nu mare all'atru,

cercava mu capisce cùamu jiia lu tiampu,

ed era capace mu hfa li previsionì;

non era mai combintu de lu tuttu,

stringìa sempe li spaddri e mmussijiava,

lu cappiaddru a lu còccalu appojiatu,

si basava supa pensàri e sensaziùani:

la camula chi abbistava de luntanu,

chiddri nuvuluni arrumbulati e supramisi,

lu vìantu chi mminava de ponente,

li doluri de l'ossa risbigghjati.

E li jìornati passavanu accussì,

‘Ntonuzzu era ‘mpensione ormai de tantu tiampu,

avia trascorsu la vita a la Contissa,

‘na ciucciaredra, Rosina, pe cumpagna de lavoru.

